

## Rudeniejont

Nosēleida vuors ont smēlkēnē žēla,  
Lakštotēs gēismelē senē jau notēla.  
Laukā ēštoštiejē, nobāla ražēinas –  
Lēg sapnūs ēšbliesa vaikīstēs dēinas....

Kuožna dēina ēlgie viesē vakarā,  
Patomsiejē prūdā, opēs, ežerā.  
Maluonē svaigēn kvaps ajerū –  
Nieks nebsogroužins jaunīstēs dēinū...

Nošlamiejē sparnā pralekontiu paukštiu,  
Laiks prēmaliavuojē ont veida raukšliū.  
Palēka laukus ē mielēnžēidis lēns –  
Sospaud šērdi pērma meilē prēsēmēnos...

Krint miediu lapā pamaželēs –  
Pageltuonavē nu pērmū šalnū...  
Rītās aštrē šiaurīs pasēšiauš –  
Čiopinie sena, benoplēnkonti pakauši...